

Morning Dogri (NSD) National News Bulletin 23-04-2024

आकाशवाणी

- लोकसभा चुनाव दे दुए गेड़ च प्रचार लेई दो गै दिन रेई गेदे होने कारण राजनैतिक पार्टिं दे बड्डे लीडर मतदाताएं गी जोरें—शोरें कन्नै प्रचार प्रसार करा'रदे न।
- राष्ट्रपति द्रौपदी मुर्मू होर अज्जै थमां उत्तराखंड दे दो दिनें दे दौरे पर जा'रदियां न।
- ताईवान च मुख्वै दे पर्वू हिस्से च भूंचाल दे केई झटके मसूस कीते गे न।
- मौसम सरबंधी भारतीय मैहकमे नै अगले चरुं दिनें तोड़ी पूर्वी भारत च लूह चलने दी पेशगोई कीती ऐ।
- भारत दी तुलिका मान ची नदी हांगकांग थाहर खेड्डी जा'रदी एशियाई जुडो प्रतियोगिता 2024 दे सैमीफाइनल च पुज्जी गई ऐ।

<><><><><><>

Campaign

लोकसभा दे दुए गेड़ दे चुनाव लेई प्रचार होने च सिर्फ दो दिन बाकी न। इस करी सियासी पार्टिं दे बड्डे लीडों अपने अपने मेदवारें दे हक्कै च इक दे बाद इक रैलियां ते रोड शो करियै वोटरें गी अपनी बक्खी करने दे पूरे जतन करा'रदे न। प्रधानमंत्री ते बीजेपी दे वरिष्ठ नेता नरेन्द्र मोदी होरें विपक्षी गठबंधन पर जवाबी हमला करदे होई आक्खेआ जे ओह भाई—भतीजावाद च रूज्जे दे न ते तुष्टीकरण दी सियासत करा'रदे न। कल उत्तर प्रदेश दे अलीगढ़ च इक चुनाव रैली गी संबोधत करदे होई श्री मोदी होरें आक्खेआ जे गरीबी गी खत्म करने ते देसा च भ्रष्टाचार ते भाई—भतीजावाद गी जड़ थमां उखाड़ने दा समां आई गेदा ऐ। उनें दोष लाया जे कांग्रेस ते समाजवादी पार्टी जनेहियां पार्टियां म्हेशां गै दुष्टीकरण दी सियासत कीती ऐ ते देसा च अल्पसंख्यकें दे सियासी, समाजिक ते आर्थिक उत्थान लेई किश नेई कीता। दूई बक्खी बसपा सुप्रीमो मायावती होरें कल बुलंदशहर जिले च इक सियासी रैली च बीजेपी पर जवाबी हमला कीता। उनें दोष लाया जे बीजेपी इक नेही पार्टी ऐ जेहड़ी मुंह जवानी गै गल्ल करदी ऐ ते जुमलेबाजी च जकीन रखदी ऐ ते जमीनी स्तर पर कोई कम्म नेई होआ ऐ।

उत्तर प्रदेश दे कांग्रेस प्रभारी अविनाश पांडे हुंदे नै पार्टी दे होरने कार्यकर्ताएं कन्नै पार्टी दे कारकूनें दी बैठकें दा आयोजन कीता ते मथुरा ते फतेहपुर सिकरी इलाके च घर-घर प्रचार मुहिम चलाई ।

<><><><><><>

Amit Shah

केन्द्री गृहमंत्री अमित शाह होरें कांग्रेस लीडर पी.चिदम्बरम हुंदे उस ब्यानै दी सख्त नुक्ताचीनी कीती ऐ जेह्दे च उनें सत्ता च औने मगरा नागरिक संशोधन कनून, भारतीय नागरिक सुरक्षा संहिता ते भारतीय साक्षय संहिता हटाने दी गल्ल आकखी ऐ। इक ब्यानै च अमित शाह होरें आकखेआ जे नां कदें कांग्रेस सत्ता च औग ते नां गै लोकें दी भले-बेह्तरी आस्तै बने दे एह् कनून हटाई सकोग। उनें आकखेआ जे इनें कनूनें कन्नै मुखे दे आम लोकें दे हित्तें दी राकखी होंदी ऐ ते ओ बाअख्तेयार बनदे न।

<><><><><><>

Congress ECI

राजस्थान च इक चुनां रैली च प्रधानमंत्री ते बीजेपी दे वरिष्ठ नेता नरेन्द्र मोदी हुंदे आस्सेआ कथित तौरा पर इक विशेष समुदाय खलाफ कीती गेदी एतराज जोग टिप्पणी गी लेइयै कांग्रेस नै कल निर्वाचन आयोग च शकैत कीती ऐ। कांग्रेस दे वरिष्ठ लीडर अभिषेक मनु सिधंवी हुंदी अगुवाई च पार्टी दा इक प्रतिनिधिमंडल नमीं दिल्ली च निर्वाचन आयोग दे दफतर पुज्जा। आयोग दे अफसरें कन्नै गल्लबात दे बाद सिधंवी होरें मीडिया गी दस्सेआ जे उनें गुजरात च केई थाहरें पर धर्म गी लेइयै लाए गेदे इशतयारें दी आयोग अगगे शकैत कीती ऐ। उनें आकखेआ जे निर्वाचन आयोग अगगे 17 शकैतां उनें कीतियां न।

<><><><><><>

President-Uttarakhand

राष्ट्रपति द्रौपदी मुर्मू होर अज्जै थमां उत्तराखंड दे दऊं दिनें दे दौरे पर जा'रदियां न। उनें अखिल भारतीय आर्युविज्ञान संस्थान एम्स ऋषिकेश दे दिक्षांत समारोह च मुख्ख परौहने दे तौरा पर शामिल होंगन। एह्दे इलावा ओह परमार्थ आश्रम दे प्रतिनिधिएं कन्नै मलाटी करगंन ते संजा लै गंगा आरती च शामिल होंगन।

कल राष्ट्रपति मुर्मू हुंदा देहरादून एफआरआई च जंगलात दी भारतीय लोक सेवा दे प्रोबेशनर अफसरें दे दिक्षांत समारोह च मुख्ख परौहने दे तौरा पर हिस्सा लेंगन।

<><><><><><>

President

राष्ट्रपति द्रौपदी मुर्मू होरें कल नमीं दिल्ली राष्ट्रपति भवन च केई मननी परमन्नी दी हस्तिएं गी पदम पुरस्कारें कन्नै सम्मानत कीता। उनें कल 3 पदम विभूषण, पदमश्री पुरस्कार भेंट कीते। राष्ट्रपति मुर्मू होरें जनसेवा दे क्षेत्र च साबका उपराष्ट्रपति एम.वेंकैया नायडू, कला दे क्षेत्र च भरतनाट्यम नृतक डॉ. पदमा सुब्रामनयम ते समाज सेवा दे क्षेत्र च बिंडेश्वर पाठक होरें गी मरणोपरांत पदम विभूषण पुरस्कार कन्नै सम्मानत कीता। पदम पुरस्कार जित्तने आले अज्ज राष्ट्रपति भवन ते प्रधानमंत्री मंत्रालय दा दौरा बी करगंन।

<><><><><><>

Taiwan Earthquake

ताईवान च जंदी रातीं मुल्खै दे पूर्वी हिस्से च भूंचाल दे केई झटके मसूस कीते गे। भूंचाल सरबंदी राष्ट्र केन्द्र मूजब सारे शा जबरदस्त भूंचाल दी तीव्रता 6.1 दर्ज कीती गई। भूंचाल दा केन्द्र हूआलीन शैहर दे 28 किलोमीटर दक्खन ते 10.7 किलोमीटर गैहराई च दर्ज कीता गेआ ऐ। हूआलीन शैहर दे नेडे 4.5 थमां 6 तीव्रता आले केई झटके मसूस कीते गे। अजें तोड़ी कुसा चाल्ली दे जाने माल दे नुक्सान दी कोई खबर नेइं ऐ। इस्सै म्हीने 13 तरीक गी आए दे 7.4 तीव्रता आले भूंचाल च 13 जनें दी मौत होई गई ही ते 1 जहार थमां बद्ध लोक जख्मी होई गे हे। पिछले 25एं बरें च ताईवान च एह सारें शा जबरदस्त भूंचाल आया ऐ।

<><><><><><>

IMD

भारती मौसम विभाग नै पूर्वी भारत च अगले चऊं दिनें दरान लूह चलने आले हालात बने रौहने दी पेशगोई कीती ऐ ते बुधवार थमां होरने हिस्सें च होर बधने दी संभावना दस्सी ऐ। गंगा दे कंडे आले पच्छम बंगाल दे किश हिस्सें च तेज लूह आले हालात बने रौहने दी संभावना ऐ।

